

**(ciep banj 8)**

Sam dwg laebcienz aen diji hawj yiengh baujjang ndawbiengz. Laebcienz aen diji hawj yiengh baujjang ndawbiengz lai mbaek bouxboux ndaejdaengz, singz mbanj doengz buenz, goengbingz doengzcaez, onjcaenz cingqgvi, lienzdaemh laebdaeb. Caezcienz aen cidu daengx guk doengz buenz vehsuenq yiengh baujiemj ciengxlaux dakdae, laebhwnj aen diji hawj yiengh baujiemj ciengxlaux caengzmbaek lai, dieg baengh lai. Saedhengz aen cwngecwz cug bi ietraz aen nienzgeij duiyouh fapdingh. Gyalai gyoengqvunz ndaej daengz yiengh baujiemj ndawbiengz, laebcienz aen gihi couzcienz hawj yiengh baujiemj ciengxlaux dakdae, yiengh baujiemj ywbingh dakdae caeuq diuzcingj gi dakdaih baujiemj, doinyoengx sengjaep daengxbuenz vehsuenq yiengh baujiemj ywbingh dakdae, yiengh baujiemj duenhong, yiengh baujiemj hongsieng. Coihawj gi baujjang ywbingh lai mbaek haenx miz bouhloh hamzciep, caezcienz aen cidu baujiemj binghnaek caeuq yihliuz gouqbang, guh daengz youq dieg wng ywbingh cigsoh gietsuenq cienzyw, laebhwnj aen cidu yiengh baujiemj ciengzgeiz ganqyawj, lai ok yiengh baujiemj ywbingh sanghyez. Gyavaiq laebndei aen bingzdaiz caezcaemh yiengh fugsah baujiemj ndawbiengz daengx guk doengzcaez. Laebcienz aen diji hawj sebauj gihginh mbouj bienqcienh, lai dijcienz caiqlij gamguen onjcaenz. Laebcienz aen diji ndawbiengz banggouq faen mbaek faen loih. Gaemmaenh aen gihbwnj gozcwz saimbwk bingzdaengj, baujjang gi gienzik habfap mehmbwk lwgnyez. Caezcienz gi cidu baujjang ndawbiengz bouxndangcanz caeuq aen diji gvansim in' gyaez fugsah, coihawj saehnieb bouxndangcanz cienzmienh hwngfat. Dingjmaenh aen dinghvi hanz dwg aeu daeuj youq, mbouj dwg aeu daeuj cau, gyavaiq laebhwnj yiengh cidu ranzyouq miz lai aen cawjdae gi gunghawj, lai diuz miengloh baujjang caiqlij co cawx caemh ndaej.

Seiq dwg hwnqguh aen Cungguek cangqheiq caiq guh ndei baenaj. Aeu dawz baujjang yinzminz cangqheiq cuengq daengz gwnz canloz daeuj guh gonq, caezcienz gi cwngecwz hawj yinzminz engqgya cangqheiq. Gaijndei aen canloz hawj yinzgouj demlai dem ndei, laebhwnj aen cwngecwz diji haeujcoengh senglw, gyangqdaemq gi bonjcienz senglw, ganqciengx, gyauryz. Hengzguh aen canloz guekgya lai rox lai ak wngqdoi buxgeq bienq lai, lai guh gi saehnieb ciengxlaux caeuq gi canjnieb ciengxlaux, engq ndei bae fugsah gyoengq bouxgeq gadog caeuq bouxgeq baenzmai, hawj daengxcungq bouxgeq cung caenhvai ndaej daengz yiengh fugsah ciengxlaux dakdae. Gyalag gaijgwz aen diji yihyoze veiswng, coihawj yihbauj, yihliuz, yihyoze ndaej doxgap guh ndei caeuq ceihleix. Vaiq hawj gi yihliuz swhyenz ndei gyalai demgvangq caiqlij baij yinz ndaw ranghdieg, gaemmaenh yawhfuengz guhgoek, gyarengz guenj ndei gi yienghsah hawj binghnaek binghmansing noixok caeuq ndeidauq, hawj

gihcwngz engq ak fuengz bingh yw bingh engq rox bae guh ndei yiengh saeh ndangcangq. Aeu yiengh goeng' ik dazyinx gyalag gaijgwz gi yihyen goenglaeb, hawj gi yihyen biengzhai haeuj cingq haeuj soh hwngfat. Guhhung guhhoengh aendoih yihliuz veiswng, comzrengz comzhong haeuj lajmbanj, segih. Yawjnaek ndaw sim cangqheiq caeuq cingsaenz swnhsoeng. Coihawj cunghyihyoze ndaej cienzciep cauhamoq hwngfat. Cauhamoq aen gihi yw fuengz doxgap, yw fuengz yungzhab, laebcienz aen diji gunghung veiswng, gyaak gi bonjlingx caenhcaux yawj ok binghra qyak fat, gyarengz hwnqguh aen diji fuengzhaed gouqyw caeuq gi bonjsah gaenjgip wngqdoi binghra qhungnaek, mizyauq bae naenxhaed gi binghlah hungnaek cienzlah. Haeujlaeg hengzguh gi yienghsah aen Cungguek cangqheiq caeuq gi yienghsah veiswng gyaezguek, hemqheuh caezgya caemhcai lingxdaeuz bae gvaq yiengh saedceij cangqheiq vwnzmingz.

Siz Ginbingz daezok, doidoengh yiengh hwngfat loegsaek, coihawj bouxvunz caeuq swhyienz huzndei caemhyouq

Siz Ginbingz youq ndaw aen baugau Ngeihcib Daih daezok, doidoengh yiengh hwngfat loegsaek, coihawj bouxvunz caeuq swhyienz huzndei caemhyouq.

Siz Ginbingz vixok, vunz raeuz baengh daihswhyienz cijndaej lixyouq caeuq hwngfat. Ginqcungh swhyienz, swnh' wngq swhyienz, henho swhyienz, dwg gi iugouz ok laeng cienzmienh hwnqguh aen guekgya sevei cuji yendaiva. Itdingh aeu laebmaenh caeuq saedhengz aen leixniemh raemx saw bya heu couh dwg bya gim bya ngaenz, ndwn youq vunz riengz swhyienz doxhuz caemhyouq gizensang yienghneix bae maeuzveh hwngfat.

Raeuz aeu nyoengxhaeuj gaiq hong hwnqguh aen Cungguek gyaunde, gaemmaenh doi bya raemx ndoeng naz huz nyw sa guh gyoepgyonj henho caeuq guh baenzroix ceihleix, doengbuenz couzveh bae diuzcingj aen gezgou canjnieb, ceihleix uqlah, baujhoh swngdai, wngqdoiq dienheiq bienqvaq, doxgap doihawj gyangq danq, gemj uq, dem heu, demmaj, doihawj yiengh hwngfat hen swngdai gonq, giemhmbaet gyonjconz, loegsaek danqnoix.

It dwg gyavaiq hawj yienghsik hwngfat cienjbaenz loegsaek. Gyavaiq doinyoengx diuzcingj gaijndei gi gezgou canjnieb, gi gezgou nwngyenz, gi gezgou gyaudoeng daehyinh daengj. Hengzguh aen canloz yienghyiengh mbaetyungh, giemhmbaet gyonjconz bae leihyung gak loih swhyenz, gyavaiq laebhwnj aen diji sinzvan leihyung huqfei. Caezcienz gi cwngecwz caeuq gi diji biucin caizsui, ginhungz, douzsw, gyagwz ndaej haeujcoengh yiengh hwngfat loegsaek, lai guh gi canjnieb loegsaek danqnoix, laebcienz aen diji hawj hawciengz bae boiqceiq swhyenz vanzging yausu, gyavaiq yenzgiu haifat caeuq

doigvangq wngqyungh gi gisuz senhcin mbaet nwnz gyangq danq, hemqheuh caezgya caiqlij lingxdaeuz guh yiengh siufei loegsaek, doinyoengx cauxbaenz loegsaek danqnoix bae guh swngcanj caeuq gvaq saedceij.

Ngeih dwg haeujlaeg doihawj gaiq hong fuengzceih vanzging uqlah. Laebdaeb haeujlaeg bae dwk ndei ciengz ciengq henho mbwn lamz, raemx saw, namh seuq. Gyarengz gapdoi gaemhanh doxgaiq uqlah, daihdae siucawz gi dienheiq uqlah youqgaenj. Doengbuenz dingh geiq ceihleix swhyenz raemx, vanzging raemx, swngdai raemx, doinyoengx henho ceihleix gi swngdai dah huz suiyou youqgaenj, daihdae siucawz gi raemx ndaem raemx haeu hawsingz. Gyarengz fuengzre gaemhanh giz goek doemnamh uqlah, doenghfwngz ceihleix gi doxgaiq uqlah moq. Engq ndei bae hwnqguh gi sezsih giekdae vanzging, doihawj cingceih gi vanzging vunz youq hawsingz lajmbanj.

Sam dwg hawj swngdai hidung engq lai yiengh, engq onjdingh, engq lienzdaemh. Gyavaiq guh gaiq hongloet henho caeuq coihdaw gi swngdai hidung youqgaenj. Doihawj hwnqguh aen diji gizdieg henho swhyienz aeu guekgya gunghyenz guh goek de. Hengzguh gaiq hongloet henho doenghgo doenghduz lai cung lai yiengh. Gohyoze dwk baenz ndoeng baenz benq bae ndaem heu diegguek. Gyalag gaijgwz aen cidu gienzndoeng cizdij. Lailai hawj diegnyw ndoengfaex nem dah huz diegcumx yietnaiq ciengx rengz, guh ndei gaiq hong youq Dahcangzgyangh gimq dwk cib bi, guhcaez aen cidu dingz raeq lwnz ndaem reihnaz. Laebhwnj aen gihi hawj gi canjbinj swngdai canhchien, caezcienz aen cidu boizbouj henho swngdai. Gyarengz guenleix swnghvuz ancienz, fuengzceih doenghgo doenghduz guekrog daeuj ciemqhail.

Seiq dwg lai gaenz lai onj bae doihawj danqdaemxding danqcunghuz. Gaengawq gi nwnzyenz swhyenz ndeiyaiez guk raeuz, hengzdingh sien laeb caiq buq, miz giva baen yamq bae guh danqdaemxding. Caezcienz aen cidu gaemhanh aen cungliengh caeuq gi ndaetsoeng hauqsied nwnzyenz, comzrengz gaemhanh vasiz nwnzyenz siufei, cugyamq cien yiengq gaemhanh aen cungliengh caeuq yunghliengh danq baizcuengq "song yiengh caez hanh". Doinyoengx nwnzyenz gwzming haeujlaeg, lailai cinghseuq caeuq engq mizyauq bae leihyung meizdan, roengz rengzhung damqra haifat caeuq dem cwk canj ok youzheiq, gyavaiq gveihva laebhwnj aen diji nwnzyenz moq, doengbuenz vehsuenq bae haifat dienhraemx caeuq henho swngdai, gaenxmai onjcaenz miz bouhloh bae hwnqguh hwzden, gyarengz laeb ndei aen diji swngcanj gunghawj cwkrom siugai nwnzyenz, saedbau nwnzyenz ancienz. Laebcienz aen cidu gyoetsuenq haedsuenq danq baizcuengq, laebcienz aen cidu youq hawciengz gaicawx gi gien baizcuengq danq. Lai hawj swngdai hidung ak bae sup danq. Lailai caeuqfaenh daengx seiqgyaiq ceihleix wngqdoiq dienheiq bienqvaq.

(cienj banj 10)